

Hoz es il Di da la pasch



SETTEMBER

Il Di da la pasch

Co fast tü la pasch? Forsa cun dar il man e dir: «Faina la pasch?» Il Di da la pasch, ils 21 da settember, dessan tuots schmetter da cumbatter ün a tschel. Las armas stuve�an propa taschair quel di.

Sül muond daja adüna darcheu guerras. Bleras persunas mouran. Citads e cumüns vegnan desdrüts. Famiglias ston mütschir da lur dachasa. Davo las terriblas guerras mundialas han dit bliers umans: «Nus nu vulain mai plü guerra!» Per la pasch tanter ils pajais pissera l'ONU – l'Organisaziun da las Naziuns Unidas. Bod tuot ils pajais dal muond sun commembers da l'ONU. Minch'on intuorn ils 21 da settember fa l'ONU üna gronda conferenza. Perquai ha

ella declerà quist di sco Di interna-ziunal da la pasch. L'ONU propuona a tuots da far quel di üna minuta da silenzi, exact a mezdi. Tü poust eir pitturar quel di cun craida simbols da pasch sün vias e trottuars.

Il pled rumantsch «pasch» deriva dal pled latin «pax». Ils plets anglais «peace», talian «pace» e spagnöl «paz» sun fich sumgliants. Cugnuoschast tü il pled «pasch» eir in otras linguas?




Che es pasch?


Co fast tü la pasch?

Che culurs simboliseschan la pasch?

Che es bel schi's fa la pasch?




Che simbols da pasch cugnuoschast tü?



Co fan teis genituors la pasch?

Craps da pasch

- 1 Tschercha almain set craps. Ils craps stu vessan esser magara plats, bler plü gronds co ün bovin dal Segner e plü pitschens co la mür da Brutus.
- 2 Culurischa mincha crap cun las culurs da la pasch. Las culurs da la pasch sun las culurs da l'arch San Martin: violet, blau, blau cler, verd, gelg, orandsch e cotschen.
- 3 Cur cha'ls craps sun süts, poust tü metter tuots aint in ün vaider da confitüra e til serrar cun ün vierchel. Ün sachet o üna tas-china va eir.
- 4 Mincha vouta cha tü hast dispitta cun inchün, poust tü regalar a quella persuna ün crap per far la pasch. Tü poust eir far purtrets cun teis craps da pasch: tils metta sü in ün rudè, fa ün cour, fa ün smiley, fa üna figüra insembel cun tia amia, etc.



udo peace
Мир



rahu



fred paz
rauhaa
uxolo

Frieden
paix